

PRESS RELEASE

ARUBA FINANCIAL CENTER TA STAP OVER PA UN SOFTWARE NOBO

Recientemente Aruba Financial Center tin un software nobo na uso. E departamento di gobierno aki ta ocupa su mes cu e desaroyo di e sector di servicio financiero arubano cu tin como meta e.o. e encargo di saca, den nomber di Minister di Justicia, e Decreto Ministerial, di no obhecion, pa cual decretonan conforme e Wetboek van Koophandel ta wordo exige pa lanta un naamloze y Aruba vrijgestelde vennootschappen door di notarisnan.

Prome cu esaki e departamento tawata hasi uso di un programa di computer di mas cu 20 aña bieuw cua recientemente a wordo remplasa pa e pakete nobo di software. E software aki ta controla e.o. si e nomber cu ta deseya pa lanta e compania anonimo ta existi caba y of ta reserva y asina e peticionan por wordo procesa mas lihe. Banda di esaki e Decreto Ministerial ta wordo imprimi pa medio di e programa aki y por wordo manteni per compania anonimo, cuanto cambio di statuut y respectivamente Decreto Ministerial a wordo duna.

Banda di e software nobo, Aruba Financial Center ta bai lansa nan website moderno y informativo. Ariba e website aki interesadonan por haya informacion encuanto lantamento di un naamloze en Aruba vrijgestelde vennootschappen y tur lo cual tin relacion cu e topiconan. E website aki lo tin links nan directo na fuentenan di informacion importante ariba internet e.o. Kamer van Koophandel, AFCA y Servicio di Impuesto.

E proyecto aki a wordo guia y coordina exitosamente door di e departamento di conseho di PricewaterhouseCoopers Aruba.

E website y e software a wordo desaroya door di Gamma Research Inc. Gamma Research Inc. ta e desaroyador di software mas grandi di Aruba y Nederlandse Antillen y ta conoci e.o. pa e software standard manera Payroll Pro, Taxform Pro, Custform Pro y CallTracer.